



ՀՀ, Երևան 0010, Կառավարական 3-րդ մասնաշենք,  
Հայաստան համահայկական հիմնադրամ  
Հասարակութեան հետ կապերու բաժին  
Հեռ: + (374 10) 521505  
[pr@himmadram.org](mailto:pr@himmadram.org)  
[www.himmadram.org](http://www.himmadram.org)

## Մամուլի հաղորդագրություն

### «Հայաստան» համահայկական հիմնադրամի հովանաւորութեան ներքոյ կը շարունակուի Սպիտակաշէն գիւղի դպրոցի շինարարութիւնը

**Երևան, 6 մարտ, 2009թ.:** «Հայաստան» համահայկական հիմնադրամի Թորոնթոյի տեղական մարմնի հովանաւորութեամբ կը շարունակուի ԼՂՀ Մարտունիի շրջանի Սպիտակաշէն գիւղի նոր դպրոցի կառուցման աշխատանքները:

Ծրագիրը նախատեսուած է աւարտել մինչեւ դպրոցական նոր շրջանի սկիզբը: Արդէն աւարտուած են հիմքի խճոնապատման եւ յենասիւնների կառուցման աշխատանքները: Ձմեռային կարճատեւ դադարէ մը ետք վերսկսած են շինարարական աշխատանքները: Մօտ ատենէն կը լրանայ նկուղային յարկի կառուցումը:

Սպիտակաշէն գիւղի 130 աշակերտները կը սորվին 1935 թուականին հիմնուած դպրոցի հին, քայքայուած, աշակերտներուն համար անբարենպաստ շէնքին մէջ: Դպրոցի տնօրէնը նշեց, որ պզտիկներուն համար ուրախալի լուր մըն էր այն, որ իրենք պիտի շարունակեն ուսումը դպրոցի նոր շէնքին մէջ եւ անոնց համար յատկապէս ուրախալի էր հանդիսութիւններու սրահի ու մարզասրահի լուրը: Իսկ դպրոցի ջեռուցման հարցը կը լուծուի նորակառոյց կաթսայատան միջոցով:

Հիմնադրամի օժանդակութեամբ լուծուեցաւ Սպիտակաշէն գիւղի բնակիչներուն համար կենսական նշանակութիւն ունեցող ոռոգման եւ խմելու ջրի հարցը, որուն պակասութիւնը /շրատար խողովակներու քայքայուած ըլլալու հետեւանքով/ վերջին տարիներուն պատճառ դարձաւ որ մեծ թիւով մարդիկ լքեն գիւղը: «Արդէն իրագործուած ծրագրերը եւ իրագործուող դպրոցի ծրագիրը նկատի ունենալով համոզուած կրնանք ըսել, որ գիւղի 110 ընտանիքներուն համար արժանապատիւ եւ բարեկեցիկ ապրելու հեռանկարը կը դառնայ իրականութիւն», -ըսաւ «Հայաստան» հիմնադրամի գործադիր տնօրէնի պաշտօնատար Արա Վարդանեանը:

Սահմանամերձ այս գիւղին մէջ այսօր կ'ապրի 110 ընտանիք: Համայնքը նշանաւոր է իր սպիտակ քարով, որմէ ան ստացած է իր անունը:

«Հայաստան» համահայկական հիմնադրամը շահոյթ չհետապնդող կազմակերպութիւն է, որը հիմնադրուած է 1992թ-ին, որուն նպատակն է խթանել մարդասիրական գործունեութիւնը եւ տարբեր հաստատութիւններու եւ կառոյցներու մասնաճիւղերու զարգացումը ՀՀ-եան եւ ԼՂՀ-եան մէջ: Հիմնադրամը ունի 15 տեղական մարմին ամբողջ աշխարհի մէջ: